

*BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINA BOSANSKA KRUPA  
JEDINSTVENI OPĆINSKI ORGAN UPRAVE  
OPĆINE BOSANSKA KRUPA*



*PROGRAM RADA  
Općinskog načelnika za 2022. godinu*

*Bosanska Krupa, februar 2022.godine*

## SADRŽAJ

1. Uvod .....	3
2. Lokalna uprava .....	5
3. Lokalni razvoj i privreda .....	8
4. Obrazovanje, sport, kultura, mladi i nvo sektor.....	9
5. Civilno društvo .....	12
6. Kapitalni projekti i infrastruktura .....	13
7. Ostale aktivnosti .....	14
8. Zaključak .....	15

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**U N S K O - S A N S K I K A N T O N**  
**OPĆINA BOSANSKA KRUPA**  
**JEDINSTVENI OPĆINSKI ORGAN UPRAVE**  
**OPĆINE BOSANSKA KRUPA**

Na osnovu člana 45. Statuta Općine Bosanska Krupa-prečišćen tekst 1 („Službeni glasnik Općine Bosanska Krupa“, broj: 10/17) Općinski načelnik općine Bosanska Krupa, donosi:

**PROGRAM RADA**  
**OPĆINSKOG NAČELNIKA ZA 2022.GODINU**

**I Uvod**

Pravni osnov za izradu Programa rada Općinskog načelnika za 2022. godinu sadržan je u odredbama iz člana 98. Zakona o organizaciji organa uprave u FBiH („Službene novine FBiH“, broj: 35/05), odredbama člana 13. i 15. Zakona o principima lokalne samouprave u FBiH („Službene novine FBiH“, broj: 49/06 i 51/09), Zakona o lokalnoj samoupravi Unsko-sanskog kantona („Službeni glasnik USK-a“, broj: 8/11), te odredbama Statuta Općine Bosanska Krupa-prečišćen tekst 1 („Službeni glasnik Općine Bosanska Krupa“, broj: 10/17).

Osnovni zadaci i aktivnosti koji su obuhvaćeni Programom rada za 2022. godinu, za nosioca izvršne vlasti općine, Općinskog načelnika, su oni koji proističu iz Ustava, zakona i Statuta Općine Bosanska Krupa.

Aktivnosti na unapređenju funkcionisanja općinske uprave kroz primjenu Zakona o principima lokalne samouprave u Federaciji BiH, Zakona o lokalnoj samoupravi Unsko-sanskog kantona, poboljšanje u organizaciji i funkcionisanju općinske uprave kao i stalan rad na održavanju i poboljšanju ostvarenih rezultata u pogledu pružanja usluga građanima stalan je zadatak.

Zakonom o lokalnoj samoupravi Unsko-sanskog kantona je određeno:

“Načelnik u okviru svoje nadležnosti:

- a) predstavlja i zastupa jedinicu lokalne samouprave;
- b) predlaže odluke i druga opća akta vijeću i odgovara za njihovu zakonitost;
- c) donosi akta iz svoje nadležnosti;
- d) izrađuje i vijeću na usvajanje podnosi nacrt i prijedlog godišnjeg budžeta, ekonomske planove, razvojne planove, investicione programe, prostorne i urbanističke planove i ostale planske i regulacijske dokumente koji se odnose na korištenje i upravljanje zemljištem, uključujući zoniranje i korištenje javnog zemljišta;
- e) obavještava vijeće o svim pitanjima iz svoje nadležnosti;
- f) provodi politiku jedinice lokalne samouprave u skladu sa odlukama vijeća, izvršava budžet jedinice lokalne samouprave i osigurava primjenu odluka i drugih akata vijeća;
- g) izvršava zakone i druge propise čije je izvršenje povjereno jedinici lokalne samouprave;

- h) utvrđuje organizaciju službi za upravu i drugih službi i donosi pravilnik o unutrašnjoj organizaciji i sistematizaciji radnih mjesta u jedinici lokalne samouprave;
- i) postavlja i razrješava rukovodeće državne službenike i službenike s posebnim ovlaštenjima, te odlučuje o prijemu u radni odnos državnih službenika i namještenika, kao i drugim statusnim pitanjima tih osoba, u skladu sa zakonom;
- j) putem službi za upravu rješava zahtjeve u skladu sa zakonom i drugim propisima;
- k) realizuje saradnju jedinica lokalne samouprave sa drugim općinama, gradovima, međunarodnim i drugim organizacijama u skladu sa odlukama i zaključcima vijeća i njegovih radnih tijela;
- l) osigurava saradnju službenika jedinice lokalne samouprave sa ombudsmenima;
- m) podnosi izvještaj vijeću o ostvarivanju politike jedinice lokalne samouprave i svom radu;
- n) obavještava Skupštinu Kantona, odnosno nadležne kantonalne organe o izvršavanju kantonalne politike i kantonalnih zakona i drugih propisa i međunarodnih ugovora, kao i o stanju u odgovarajućoj oblasti kada je njihovo izvršavanje povjereno jedinici lokalne samouprave;
- o) vrši i druge poslove u skladu sa zakonom i statutom.

Program rada Općinskog načelnika za 2022. godinu zasniva se na nekoliko temeljnih principa, među kojima su najvažniji objektivno prikupljanje svih relevantnih činjenica i ocjena njihove valjanosti i istinitosti, te korištenje raspoloživih podataka statističkih mjerenja privrednih, socijalnih i drugih pojava koje imaju ili bi mogle da imaju efekte na položaj i ulogu Općine Bosanska Krupa u ukupnom razvoju općine i Kantona. U tom smislu, tokom izrade ovog Programa obuhvaćeni su svi bitni pokazatelji, osobine i segmenti lokalnog društva kao što su prostorno-teritorijalni i geografski položaj općine i osobine, stepen razvijenosti infrastrukture i njene odlike, te stanovništvo kao najvažniji razvojni faktor, a radi sagledavanja stvarnog stanja i realizacije projekata kojim će se na najbolji mogući način ostvariti funkcije općine kao jedinice lokalne samouprave.

Rad Općinskog načelnika i općinskih službi u svojoj konačnici znači i djelovanje u interesu stanovništva općine Bosanska Krupa što podrazumijeva i visok stepen odgovornosti.

Program rada je po svom karakteru planski akt, što znači da će se sve aktivnosti koje budu predmet ovog akta predvidjeti, te da će njihova realizacija zavisiti od objektivnih okolnosti koje budu prisutne u datom momentu.

Obzirom da se radi o planskom aktu, cilj je kvalitetno, precizno i realno planirati, uzimajući u obzir i sve moguće objektivne okolnosti. Pod mogućim objektivnim okolnostima misli se prvenstveno na opće društvene teškoće i izazove sa kojima se Općina Bosanska Krupa uspješno nosi već par godina.

Unatoč tome Općina Bosanska Krupa se ubraja u red uspješnih općina, maksimalno je razvojno orijentisana i otvorena ka evropskim perspektivama. Ista opredjeljenja određuju i programske aktivnosti Općinskog načelnika, kao planski dokument koji ima za cilj podići na još veći nivo razvoja općine u 2022. godini.

Ovaj Program rada se temelji na osnovu planiranog DOB-a, budžeta i aktivnosti općinske administracije kako bi se našim građanima osigurala što kvalitetnije usluge i bolji uslovi života na području cijele općine.

Većina niže prikazanih programskih aktivnosti je usmjereno ka poboljšanju ukupnog ambijenta za privredni razvoj i normalno djelovanje privrednih i drugih subjekata, izgradnji i rekonstrukciji cestovne infrastrukture, izgradnji i rekonstrukciji vodnih i kanalizacionih objekata, bolji život građana, te njihovo učešće u donošenju svih odluka za koje su neposredno zainteresovani. Ove aktivnosti su nužno nameću svake godine kao prioritet, jer predstavljaju osnovne potrebe jedne društvene zajednice pored stvaranja uslova za razvoj privrede.

Dosadašnja praksa je pokazala da su se programske aktivnosti u najvećem procentu i realizovale u planiranom periodu, što će biti jedan od osnovnih ciljeva i ovog dokumenta.

## **II Lokalna uprava**

Po Ustavu Federacije BiH ("Službene novine FBiH" broj: 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 72/05 i 88/08), općina je definisana kao jedinica lokalne samouprave. Prema Ustavu Općinski načelnik nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH, Zakona o lokalnoj samoupravi Unsko-sanskog kantona jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu Ustava i zakona. Isti zakon, također definiše da je općina samostalna u odlučivanju o pitanjima iz vlastitih nadležnosti i da ove nadležnosti ne mogu biti ograničene ili uskraćene od federalnih ili kantonalnih vlasti.

Program obuhvata najvažnije zadatke općinskog načelnika i općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima će se načelnik zajedno sa svojim saradnicima, državnim službenicima i zaposlenicima neposredno angažovati.

Aktivnosti Općinskog načelnika i Jedinistvenog općinskog organa uprave općine Bosanska Krupa bit će neophodno usmjereni u sljedećem pravcima:

- nastaviti izradu i provođenje prostorno planske dokumentacije,
- nastavak aktivnosti na vektorizaciji georeferensiranih planova
- nastavak realizacije projekta uspostave zemljišne knjige, projekat registracije nekretnina,
- izrada digitalnog katastarskog komunalnih uređaja,
- prezentacija (namjena zemljišta prema Prostornom i regulacionim planovima) putem web stranice Općine,
- nastavak rada na registru nekretnina i sistemskom upravljanju imovinom, a koji se odnosi na: analiza postojećeg stanja imovine, procjena vrijednosti i analiza stanja po prihodima i troškovima po jedinici imovine i analiza svih odluka koje se odnose na upravljanje imovinom, a u cilju rješavanja pitanja jedinica imovine (zemljišta, poslovni prostori, poslovni objekti, stanovi i dr.) koji ne stvaraju prihod odnosno koristiti imovinu kroz realizaciju projekata kojim će se povećati budžetski prihodi, a time i ekonomski razvoj općine,
- uspostavljanje jedinstvenog sistema informisanja o prostoru Općine u svrhu planiranja,

- unaprjeđenje normativnog uređivanja djelatnosti iz nadležnosti Općinskog načelnika i općinskih službi te usklađivanje rada i funkcionisanja općinskih organa uprave sa Zakonom o državnoj sužbi Unsko-sanskog kantona, što je naš stalan i kontinuiran zadatak,
- kontinuirano raditi na poboljšanju u organizaciji i funkcioniranju općinske uprave u skladu sa europskim standardima, nastaviti sa unapređenjem već efektivne, efikasne, odgovarajuće i odgovorne općinske uprave prilagođene potrebama građana i poslovnih subjekata,
- nastaviti sa primjenom programa štednje u tijelima uprave i drugim institucijama i tijelima koji se financiraju iz budžeta Općine,
- sprovođenje sistema elektronskog upravljanja podacima i elektronskog praćenja sprovođenja svih upravnih postupaka, a sve u smislu efikasnijeg rada i smanjenja rokova njihovog izvršava,
- raditi na izradi projektnih aplikacija i aplicirati prema višim nivoima vlasti te međunarodnim organizacijama i donatorima, u cilju osiguranja finansijskih sredstava za realizaciju projekata,
- posebnu pažnju posvetiti pitanju komunalne oblasti za što je pored donesenih Odluka i Programa neophodna dosljedna primjena i pojačan svaki vid nadzora, a posebno putem građevinskog i komunalnog inspektora,
- kroz donošenje raznih odluka osigurati povećanu ekonomsku aktivnost, te zadržavanje stanovništva;
- pojačat će se nadzor nad naplatom naknada i taksi po općinskim propisima i kontinuirano ostvarivati kontrola naplate sredstava prometa općinske imovine,
- pojačat će se kontrola rada organa koji imaju nadležnost naplate naknada, izvršit će se ažuriranje uputstava i naredbi koje se odnose na ovu oblast i u skladu sa odlukama osigurati kontinuiran i kvalitetan nadzor u ovoj oblasti,
- nastaviti rad na ažuriranju sistema za vođenje i analizu projekata prema Strategiji razvoja općine Bosanska Krupa,
- nastavak izrade baze podataka geografsko-informacionog sistema (GIS) što će omogućiti kvalitetno povezivanje svih postojećih baza podataka sa prostornim podacima;
- ažuriranje registra zelenih površina,
- ažuriranje registra izdatih urbanističkih saglasnosti, lokacijskih informacija i odobrenja za građenje,
- nastavku održavanja svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina,
- nastaviti rad na poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd,
- i dalje kontinuirano vršiti inspekcijski nadzor (kontrola privremenog zauzimanja i korištenja javne površine, a sve u funkciji povećanja naplate naknade),
- inoviranju socijalnih programa i brige za ugrožene i kategorije u stanju socijalne potrebe, boračku populaciju, raseljena lica i izbjeglice;
- kroz brojne projekte na nivou BiH, ali i u okviru prekogranične saradnje, stvaranju energetske efikasne općine i javnih ustanova i preduzeća, koja će i na tom polju biti u stanju nositi se sa evropskim standardima;
- vođenju aktivnosti na aktivnijem uključivanju građana u odlučivanje;
- analizi stanja poljoprivrede na području općine i sagledavanju mogućnosti daljeg razvoja;

- u oblasti rekonstrukcije, rehabilitacije, sanacije puteva nastavak započetih projekata, kao i izgradnji i rekonstrukciji novih putnih pravaca u skladu sa Programom kapitalnih investicija;
- raditi na osiguranju značajnijih finansijskih sredstava od viših nivoa vlasti za privođenje kraju aktivnosti u cilju izgradnje nove i revitalizacije postojeće infrastrukture,
- nastaviti koordinaciju sa Uredom BHMAC-a, predlaganje i praćenje projekata deminiranja, tehničkog izviđanja i trajnog obilježavanja rizičnih površina od mina na području općine; prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama; koordinaciju i pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća; praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara, praćenju stanja priprema za zaštitu i spašavanje od prirodnih i drugih nesreća na području općine i preduzimanje pravilne, stručne, efikasne i blagovremene primjene zakona i drugih propisa i akata; praćenje klimatoloških prilika na području općine (mjerjenje temperaturne vrijednosti zraka, praćenje vodostaja svih rijeka, snježnog pokrivača itd;
- shodno odredbama Statuta Općine vršiti nadzor nad radom mjesnih zajednica i javnih ustanova,
- poboljšanju transparentnosti i protoku informacija unutar administracije i prema građanima i poslovnim subjektima,
- podršci lokalnom privrednom razvoju, planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podršci razvoju poljoprivrede i ruralnih područja,
- nastaviti će se voditi aktivnosti na unaprjeđenju saradnje sa višim nivoima vlasti te drugim institucijama, a sve u cilju boljeg funkcionisanja lokalne samouprave i osposobljavanja službi za njihov efikasniji i potpuniji rad na planu ostvarivanja svih prava i sloboda građana,
- projekt ekonomskog i okolišnog upravljanja – MEG,
- nastaviti će se raditi na poslovima i projektima koji su započeti u prethodnoj godini, kao i novim projektima u oblastima u kojima je propisana nadležnost općine kao jedinice lokalne samouprave, odnosno u kojima je izražen pravni interes općine,
- nastaviti proces jačanja lokalne zajednice i to naročito kroz efikasan rad mjesnih zajednica i Savjeta mjesnih zajednica, gdje se najbolje mogu uočiti svi problemi koji se tiču građana naše općine, kao i inicirati njihovo efikasno rješavanje,
- i dalje će se raditi na stvaranju što povoljnijeg ambijenta za ulaganja u investicione programe,
- i drugih poslova u skladu sa zakonom.

I u 2022. godini aktivnosti će bit usmjerene na provedbi propisa iz svih oblasti djelokruga rada organa uprave i službi za upravu općine od kojih prije svega i dalje mislimo na provedbu zakona preko kojih građani najviše rješavaju svoje životne probleme.

Programske aktivnosti, kroz realizaciju Budžeta za 2022. godinu, planskih akata i drugih izvora finansiranja, imat će prvenstveno razvojni karakter, kroz fokusiranje na kapitalne i infrastrukturne projekte, ali će zadržati i dozu socijalnog karaktera. Razvojni koncept jasno predstavlja opredjeljenost ka ulaganjima u kapitalne investicije, unapređenje komunalne infrastrukture i ostvarivanje strateških ciljeva.

I u 2022. godini obezbjedit će se aktivno učešće Općine u postupcima donošenja zakonskih i podzakonskih akata i to na svim nivoima vlasti kroz davanje kvalitetnih sugestija, prijedloga i mišljenja na utvrđene nacрте i prijedloge određenih akata. Ovi poslovi će se raditi ili samostalno ili u saradnji i koordinaciji sa drugim općinama Kantona, Savezom općina i gradova Federacije Bosne i Hercegovine, a sve s ciljem rješavanja ključnih pitanja koja su bitna za funkcioniranje Općine kao jedinice lokalne samouprave, kao i za život i dobrobit svih njenih građana.

Važno je napomenuti da je status općina i definisanje politika lokalnih zajednica još uvijek u potpunosti neriješen. Naime, u svojoj praktičnoj primjeni ustavna kategorija prava na lokalnu samoupravu svodi se vrlo često samo na puku dekoncentraciju javnih poslova od strane viših organa vlasti. Stoga ćemo i ove godine, kao i prethodnih godina, obezbjediti aktivno učešće općine u postupcima donošenja zakonskih i podzakonskih akata na svim nivoima vlasti kroz davanje kvalitetnih sugestija, mišljenja ili prijedloga na utvrđene nacрте ili prijedloge određenih akata.

Kao i do sada u svim situacijama u kojima se ocijeni da je došlo do povrede prava na lokalnu samoupravu, reagovat ćemo i pred nadležnim organima tražiti zaštitu povrijeđenih prava i interesa.

Također, i u 2022. godini ćemo u koordinaciji sa drugim općinama USK, intezivnije raditi na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana.

I u 2022. godini ćemo maksimalnu pažnju posvetiti budžetskoj disciplini, te transparentnosti rada organa uprave u svim vidovima. Nastavit ćemo stvarati uslove za podizanje finansijske discipline na veći nivo, te iznalaziti i druge mogućnosti koje mogu doprinijeti stabilizaciji finansijskog stanja.

Općinski načelnik će u skladu sa svojim nadležnostima i ovlaštenjima, kao naredbodavac izvršenja budžeta Općine, preduzimati i dalje sve aktivnosti u cilju praćenja, ostvarenja i zakonitog trošenja budžeta, redovno izvještavati Općinsko vijeće, te na zakonom propisan način po unaprijed definisanim pravilima kontrolisati i usmjeravati kako budžetsku potrošnju tako i svih dijelova lokalne uprave. Nastavit će se aktivnosti uspostavljanja sistema kontrole finansijskog poslovanja Općine, te korisnika budžeta Općine.

U skladu sa Programom rada OV i u saradnji sa službama, aktivnosti će se usmjeriti da pravovremeno i maksimalno efikasno pripremimo predmetne materijale, kako bi se isti u najvećoj mjeri izvršili. Osim planiranih aktivnosti u ovom segmentu, Općinsko vijeće će biti u prilici da razmatra i nove normativne i druge akte za čijom izradom se pojavi potreba, a što u ovom momentu nije moguće planirati.

## **II Lokalni razvoj i privreda**

Osnovni ciljevi i zadaci u ovim oblastima i dalje će biti usmjerene prema poboljšanju ukupnog ambijenta za dalji privredni razvoj i normalno djelovanje privrednih i drugih



subjekata i bolji život građana, te njihovo učešće u donošenju svih odluka vlasti za koje su neposredno zainteresovani.

Polazeći od strateškog opredjeljenja razvoja općine Bosanska Krupa vodit će se aktivnosti na sjedećem:

- nastaviti postupak i procedure izmjene prostorno-planske dokumentacije, kao i ostale aktivnosti u vezi sa prostornim planiranjem,
- raditi na proširenju građevinskog zemljišta,
- implementaciju infrastrukturnih i drugih projekata u funkciji razvoja novih radnih mjesta,
- nastaviti će se započete aktivnosti na definisanju novih i unapređenju postojećih poslovnih zona,
- nastaviti sa podrškom privrednim subjektima,
- nastaviti će se raditi na iznalaženju potencijalnih investitora u cilju otvaranja malih i srednjih preduzeća na području općine Bosanska Krupa pri čemu ćemo maksimalno podsticati privrednike naše općine i njihove poslovne partnere,
- nastaviti će se dalje aktivnosti – kontinuitet na uspostavljanu i redovnom organizovanju sastanaka sa privrednicima naše općine u cilju otklanjanja prepreka za razvoj privrede i novih zapošljavanja, kako bi se stvorile pretpostavke za nesmetan razvoj privrede na području naše općine,
- razvijanje javno-privatnog partnerstva,
- u saradnji sa mjesnim zajednicama nastaviti će se uspostavljanje novih putnih komunikacija ka obradivim zemljišnim površinama u cilju veće uposlenosti i pokretanja malih biznisa iz oblasti stočarstva i voćarstva i efikasnosti u podsticanju iskorištenja dobivenih sredstava.
- nastaviti će se sa dodjelom poticajnih sredstava za poljoprivredu,
- nastaviti sa organizacijom sajmova,
- raditi će se na povezivanju privrednika općine sa zainteresovanim poslovnim partnerima u zemlji i inostranstvu, pomagati im i podržavati ih u njihovoj komunikaciji sa višim nivoima vlasti, podržavati zajedničke nastupe na Sajmovima u cilju adekvatne prezentacije privrednih potencijala općine Bosanska Krupa
- voditi će se aktivnosti podrške marginaliziranim grupama žena,
- kandidovati prema višim nivoima vlasti i međunarodnim institucijama kapitalne projekte,
- aktivno raditi na programu razvoja turizma i korištenje turističkih potencijala,
- informisati više organe vlasti o rezultatima i teškoćama poslovanja privrednika, kako bi se donijele odgovarajuće mjere i zakoni u oblasti ekonomije i razvojne politike.

### **III Obrazovanje, sport, kultura, mladi i NVO sektor**

#### **➤ Obrazovanje**

Zadaci i ciljevi u oblasti obrazovanja biće usmjereni prvenstveno prema djeci i mladima kao osnovnoj ciljnoj grupi.

Učešće u ovom najvažnijem segmentu društvene zajednice vršit će se kroz: podizanje nivoa opremljenosti škola, nastavak aktivnosti na rekonstrukciji i adaptaciji školskih objekata, nastavak aktivnosti na izgradnji, rekonstrukciji i adaptaciji sportskih

igrališta uz objekte centralnih i područnih škola, podjelu besplatnih udžbenika za učenike iz socijalno ugroženih porodica, te održavanje postojećih, podržavanje školskih manifestacija, podržavanje javne i kulturne djelatnosti škola i stimulisanje njihove saradnje sa mjesnim zajednicama i Općinom.

Stipendiranje i stimulisanje obrazovanja učenika, odnosno mladih generacija od kojih se po završetku školovanja očekuju nove ideje i projekti usmjereni ka društvenom razvoju, će se nastaviti i u 2022. godini.

Sufinansiranjem prijevoza učenika koji pohađaju srednju školu za djecu prema određenim kriterijima, te finansijski podržati, a prema iskazanim potrebama i mogućnostima Budžeta, će se također nastaviti.

Općina će u ovoj oblasti nastaviti sa praćenjem rada i aktivnosti u predškolskoj ustanovi, osnovnim i srednjim školama, uz pružanje svih mogućih vidova pomoći u organizaciji rada i drugim vidovima aktivnosti ovih ustanova.

### ➤ **Sport**

Realizacija osnovnih ciljeva i zadataka u oblasti sporta vršit će se kroz afirmaciju sportskih klubova i udruženja, pojedinaca koji svojim rezultatima doprinose podizanju sportske kulture i promociji općine Bosanska Krupa, kroz masovno bavljenje sportom od značaja za održavanje i unaprjeđenje kulture zdravog načina življenja, organizaciju sportskih manifestacija kojima se promoviše Općina Bosanska Krupa i BiH, podršku takmičenjima za mlade, dok će se opredjeljenje i osnovni ciljevi djelovanja prema mladima vršit kroz intenzivniji pristup mladima, na osnovu njihovih potreba, provođenjem brojnih aktivnosti, a naročito kroz:

- nastaviti sa podrškom i promovisanjem projekata mladih i omladinskih udruženja s područja općine, a koje se odnose na jačanje kapaciteta mladih i njihove uloge u društvu, realizacija projekta izgradnje sportske dvorane,
- pružanje podrške sportskim kolektivima i masovnom sportu kao veoma značajnoj oblasti društvenog života,
- pružanje podrške sportskim klubovima i razvoju masovnog sporta,
- i dalje raditi na izgradnji sportske infrastrukture kroz sanaciju i adaptaciju postojećih i izgradnju novih sportskih objekata, dječijih igrališta i terena za male sportove,
- podržavanje sportske rekreacije građana, školskog sporta i sportsko-rekreativnih takmičenja, turnira i manifestacija.

### ➤ **Kultura**

Ciljevi i aktivnosti u oblasti kulture biće usmjereni u pravcu afirmacije bosanskohercegovačke kulture kroz podršku kulturnom stvaralaštvu, podršku manifestacijama i pojedincima, unaprjeđenju i jačanju saradnje sa relevantnim organizacijama, ali i sufinansiranjem projekata iz oblasti kulture, a sve putem podrške brojnim projektima koji doprinose promociji Općine Bosanska Krupa.

Nastavit ćemo sa podržavanjem kulturno-umjetničkih društava, podržavati manifestacije koje se organizuju na prostoru naše općine u svim mjesnim zajednicama, organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i općinu Bosanska Krupa, organizovati i druge javne i kulturne manifestacije.

#### ➤ **Mladi i NVO sektor**

Posebna pažnja bit će posvećena napređenju omladinske politike kroz pružanje podrške radu omladinskih udruženja sa područja općine, afirmisanju mladih na području samoorganizacije i većeg angažmana na polju društvenog aktivizma mladih.

##### Projekt "Omladinska banka"

- Projekat Omladinske banke BiH koja ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.
- Izrada strategije za mlade,
- Projektom START-UP, kojim podržavamo mlade ljude finansiranjem najboljih start – up biznisa koji su usmjereni ka poticanju mladih ljudi da sami osnivaju preduzeća ili obrt što će doprinijeti lokalnom društvenom razvoju, te ostanku mladih ljudi. Ovaj projekt ima za cilj poboljšanje i jačanje mehanizma podrške omladinskom preduzetništvu u lokalnim zajednicama, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima pri pokretanju start-up biznisa, te omogućavanje volonterskog angažmana određenom broju mladih u svrhu ličnog usavršavanja.
- I dalje podržavati omladinska udruženja sa sjedištem na području općine Bosanska Krupa; nevladine organizacije, udruženja, fondacije koje rade za mlade; neformalne grupe mladih sa područja općine Bosanska Krupa koje imaju podršku udruženja i fondacija registriranih u Bosni i Hercegovini pri realiziranju projekata na području Bosanske Krupe.

I dalje ćemo raditi na institucionalizaciji omladinske politike kroz sistematsko rješavanje problema sufinansiranja omladinskih projekata iz oblasti kulture, sporta, neformalnog obrazovanja, zdravlja mladih, zapošljavanja i dr. Konstantno će se težiti informisanju mladih o mogućnostima finansiranja i potrebama mladih, sa posebnim naglaskom na ruralne mjesne zajednice i organizacije koje djeluju na tim područjima.

Također ćemo nastaviti:

- organizovati aktivnosti koje će okupljati mlade: druženje kroz čišćenje i uređenje grada, koncertne aktivnost, predstave, turnire, javne radove i slične aktivnosti, nastaviti sa podržavanjem projekata mladih, sportskih klubova, KUD-ova i svih udruženja koja okupljaju mlade,

- zajedno sa mladima ću biti organizator sportskih takmičenja, koncerata za mlade i sponzor njihovih aktivnosti (izložbe, revije, omladinska poduzetništva i slično),
- podržavati udruženja koja okupljaju mlade,
- podržavati pojedince i afirmativne manifestacije koje okupljaju mlade,
- podržavati programe nevladinog sektora i humanitarnih organizacija, specifične oblasti, kao što je briga o Romima, podrazumijevat će: pojačanu saradnju sa udruženjima Roma, iniciranje formiranja i drugih udruženja koja okupljaju nacionalne manjineprovoditi Program mjera za poticaj zapošljavanja i održavanja više stope zaposlenosti, podsticati umrežavanje omladinskih organizacija na nivou općine, te omladinskih organizacija iz Bosanske Krupe sa drugim regionalnim i međunarodnim institucijama i organizacijama,
- organizirati obuku članova omladinskih organizacija u kontekstu projektnog menadžementa za projekte EU i drugih stranih donatora,
- u saradnji sa nadležnim institucijama raditi na prevenciji od upotrebe narkotika i opojnih sredstava,nastaviti sa obezbjeđenjem prostornih uslova za rad udruženja koja imaju neuslovne prostorije ili ih nemaju nikako,
- nastaviti sa aktivnostima unapređenja partnerskih odnosa između lokalne vlasti i civilnog društva.

U cilju sticanja radnog iskustva i polaganja stručnog ispita nastaviti sa podržavanjem mladih visoko obrazovanih kadrova u obavljanju pripravničkog i volonterskog staža, radi lakšeg zapošljavanja u oblastima za koje se se školovali, kako u organu uprave tako i u javnim ustanovama čiji je osnivač Općina.

#### **IV Civilno društvo**

Na lokalnom nivou u saradnji sa Udruženjem penzionera i dalje voditi aktivnosti na brizi o penzionerima kroz zagovaranje njihovih prava.U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima, kao i ranijih godina, socijalno ugroženim penzionerima dodjeljivati jednokratne pomoći za nabavku ogrjeva, prehrane i drugih nužnih potreba. Nastaviti pomagati rad udruženja koje okuplja ovu populaciju, obezbijediti besplatno pružanje pravnih usmjerenja, te upravno-stručnih savjeta o aktuelnim općinskim temama.

Pored ove kategorije programskim aktivnostima za 2022. godinu obuhvaćeni su i ostali socijalno ugroženi pojedinci koji će se pomagati kroz jednokratne pomoći u okviru planiranih sredstava.

#### **Boračka populacija**

Ciljevi i aktivnosti u ovoj oblasti biće usmjerene: na pružanju pomoći u realizaciji programa boračkih organizacija, rješavanju stambenog zbrinjavanja ove populacije, i dalje omogućavati korištenje općinskih prostorija bez naknade za nesmetan rad i funkcionisanje udruženja, nastaviti sa aktivnom primjenom Zakona o dopunskim pravima branilaca i članova njihovih porodica, organizovati aktivnosti koje će okupljati ovu populaciju, nastojat će se obezbijediti još veća podrška i pomoć boračkim kategorijama, pomoć u postupku prikupljanja dokumentacije za prijavu na javne pozive, kao i za ostvarivanje drugih prava u upravnom postupku.

## V Kapitalni projekti i infrastruktura

U 2022. godini planiraju se slijedeće aktivnosti:

- sanacija i uređenje Ulice 511.slavne i Trg Alije Izetbegovića,
- most Male ade-Velike ade,
- projekt „Green Islands Tour Projekat ”,
- projekt Aktivacija i integracija nezaposlenih osoba na tržište rada u USK" ILO,
- projekt-Biciklističko turistička staza Bosanska Krupa – Hašani,
- izgradnja Sportske dvorane,
- izgradnja javne rasvjete,
- nastaviti započete, te nove projekte rekonstrukcije, sanacije, rehabilitacije i asfaltiranja puteva (lokalni put Klanac, lokalni put "Kestenjar" MZ Ostrožnica, lokalni put kroz selo Veliki Dubovik, lokalni put "Kajtezi" Bosanska Otoka, lokalni put "Stara škola" MZ Pištaline, lokalni put u Ulici Unska, preko pružnog prelaza - odvojak lijevo, lokalni put "Kovačevac" MZ Ljusina, lokalni put "Lipik", lokalni put "Tećija", Putevi i mostovi iz cestovnih naknada - put "Ulica Krušnička", lokalni put "Podmračaj Crkvina", lokalni put - odvojak u Ulici Branilaca Grada, lokalni put - odvojak u Ulici Branilaca Grada, lokalni put Podvran, put Ulica Dana Nezavisnosti, put Mušići i put Perna, Put Arapuška cesta - Pučenik - Zalin - V. Dubovik, dio puta Mustelji-Šabići-Džajići-Halkića most, put Podmračaj Crkvina, put Skenderije, put Tromeda, put Ramići-Crnkići, put Ljusina – Redak, put Hasanagića Selo, saobraćajnice u obuhvatu PZ vatreni mlin, put Karađol-Bužimkići, put Aličevići, Ulica Mirsada Crnkića, put Brskavac,
- izgradnja potpornih zidova i sanacija klizišta na putevima,
- sanacija objekata na javnim površinama (stepenice, ograde, pločnici, staze, stubovi javne rasvjete i sl.),
- regulacija potoka Kalender XVII faza,
- regulacija dijela Potoka Voloder,
- kanalizacija Hodžinac - Sulejmanovići – Halkići,
- vodovod Baštra,
- vodovod Gornji Ramići,
- sekundarna vodovodna mreža u općini Bosanska Krupa,
- vodosnabdijevanje povratničkog naselja Prokop,
- zaštita od erozije Zelenih otoka u Bosanskoj Krupi ADA 6, 7, 8,
- projekt zamjene postojećih rasvjetnih tijela LED rasvjetom na području općine,
- nastavak ostalih započetih projekata i pripreme za realizaciju već pripremljenih projekata, kao i novih projekata koji su od važnosti za građane i općinu Bosanska Krupa.

Osim navedenog u 2022. godini aktivnosti će biti usmjerene na:

- uređenja zelenih površina i opremanja mjesta za rekreaciju,
- zaštite od površinskih i podzemnih voda,
- zbrinjavanje pasa lotalica,
- rekonstrukcija i asfaltiranje lokalnih i nekategorisanih puteva,
- nepredviđene i hitne intervencije na putevima i rad stroja,
- saobraćajna signalizacija,
- sanacija udarnih rupa,

- dekorisanje grada,
- održavanja javne rasvjete, javnih površina, pješačkih mostova
- uklanjanja „divljih“ deponija,
- poticanja korištenja obnovljivih izvora energije, veće energetske učinkovitosti,
- zaštite prirodnih vrijednosti,
- izrada prostorno planske dokumentacije,
- nastavak sa projektom registracije nekretnina - uspostava Zemljišne knjige, čiji je cilj uspostava lokalne uprave osposobljene za efikasno pružanje podrške ekonomskom razvoju i jačanju općine,
- izrada Idejnog i Glavnog projekta za uređenje javnih površina u putnom pojasu u ulici 511.SBB i Trga Alije Izetbegovića - faza II,
- studija za pješački most Bosanska Otoka i projektna dokumentacija
- projekt Izrada adresnog registra, čiji je cilj stvaranje još efikasnije i transparentnije uprave koja će omogućiti dobar i uspješan rad ne samo Službe već Općine u cjelini kao i svih subjekata na njenoj teritoriji,
- realizacija projekta Digitalni arhiv,
- izrada izmjena i dopuna RP „Centar“,
- izrada Regulacionog plana „Luke“,
- izrada regulacionog plana „Otoka 1“,
- izrada strategije razvoja općine 2022-2027,
- izrada digitalnog katastra komunalnih uređaja,
- izrada idejnog projekta za rekonstrukciju i uređenje školskog sportskog igrališta OŠ Pištaline,
- nastavak MEG projekta,
- izrada projektne dokumentacije za potrebe infrastrukturnih i drugih projekata,
- nastavak podrške privredi kroz Budžet Općine.

Ovim programom želim izraziti apsolutno opredjeljenje izvršne vlasti za ubrzanim razvojem općine Bosanska Krupa, te nastavku svih projekata od interesa za lokalnu zajednicu i u svakom pogledu nastavak do sada uspješno realizovanih stavki predviđenih budžetom Općine.

## **VI Ostale aktivnosti**

U skladu sa Odlukom o utvrđivanju značajnih datuma za općinu Bosanska Krupa:

- organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i općinu Bosanska Krupa,
- u skladu s finansijskim mogućnostima pomagati manifestacije koje se organizuju na prostoru naše općine u svim mjesnim zajednicama,
- organizovati i druge javne i kulturne manifestacije.

Nastaviti saradnju sa općinama u okruženju, te putem kolegija Općinskih načelnika i Saveza općina i gradova Federacije Bosne i Hercegovine, djelovati na poboljšanju uslova u lokalnim zajednicama.

Poboljšanje kvaliteta i unapređenje javnosti rada općinskih organa. Održavanje korektnih odnosa sa vjerskim zajednicama, što se u proteklim godinama ogledalo kroz realizaciju brojnih zajedničkih projekata.

Osim navedenih aktivnosti i koordinacije rukovođenja općinskim službama, Općinski načelnik će se neposredno angažovati i na rješavanju drugih pitanja iz nadležnosti lokalne zajednice i od značaja za građane, privredne i druge subjekte i brži razvoj lokalne zajednice u cjelini. Namjeravamo usko sarađivati sa višim nivoima vlasti, međunarodnim organizacijama, nevladinim sektorom, drugim općinama u Bosni i Hercegovini i sl. Takođe, Općinski načelnik će aktivno djelovati na poboljšanju i kvalitetnijem pružanju usluga u javnom sektoru (javne ustanove i javna preduzeća).

## **VII Zaključak**

Ovim programom se utvrđuje i preduzimanje svih mogućih aktivnosti u cilju ostvarivanja maksimalno korektno saradnje sa Općinskim vijećem, političkim partijama i u tom smislu transparentan rad i puna saradnja su osnov za potpunu implementaciju predviđenih zadataka; aktivno učešće u radu Saveza gradova i općina Federacije Bosne i Hercegovine, te nastavak saradnje sa drugim općinama kako u zemlji tako i u inostranstvu, te traženje veza partnerstva i bratimljenja.

Osnovni ciljevi ovog Programa su postavljeni realno, pa su realna očekivanja da će se i realizovati uz angažovanje svih resursa, unutrašnjih i vanjskih. Prije svega, nastaviti će se raditi na poslovima i projektima koji su započeti u prethodnoj godini i otpočeti projekte planirane budžetom. U cilju realizacije projekta kojima ćemo unaprijediti kvalitet života građana aplicirat ćemo za projekte sa međunarodnim institucijama, kao i višim nivoima vlasti.

Naravno i dalje će se djelovati na stvaranju što povoljnijeg ambijenta za ulaganja u investicione programe, i to kroz obezbjeđivanje bitnih pretpostavki za programe. U cilju privlačenja investitora u planu nam je izrada registra zemljišta poslovnih zona u kojem će biti prezentirane lokacije za građenje sa svim potrebnim pokazateljima, čime će se stvoriti pretpostavke za poboljšanje komunikacije sa budućim investitorima, što bi u konačnici dovelo do povećanja broja novootvorenih radnih mjesta.

Općinski načelnik i nadležne službe će razmatrati i druga pitanja bitna za poboljšanje uslova života naših građana.

Napominjemo da predloženi Program rada predstavlja osnovu koja se može proširiti u slučaju potrebe ili određenih novih okolnosti. To znači da je predloženi Program rada otvoren i za druga pitanja i inicijative koje se budu nametale svakodnevnom praksom i potrebama za njihovim razmatranjem.